

學校 附書院義社學

粵自虞庠旣建教化以行三代盛王莫不崇學學也者其爲政之本乎唐宋以來尤尊孔子故廟制與學制兼隆蓋崇師重道興賢育才文治之隆胥繫乎此顧或茂草無譏青衿有刺雖宮牆式煥俎豆常登亦飾治之虛文耳必使絃誦之地力追聖賢庶可儲真才爲國家用而啟迪有方是又司教者之責也

儒學在縣治東南建於金時元大德初嘗修葺之大和六年重修至元二十二年武德將軍劉暉尹州改

建元末廢於兵燹明洪武八年知縣諸宏道建兩廡  
明倫堂於文廟後正統元年掌滑判官馬惟善重修  
成化五年知縣蔡璘重修宏治十七年知縣龍用升  
於明倫堂後建饌堂五楹改建文廟正德十五年知  
縣張玩修明倫堂名宦鄉賢二祠嘉靖年間知縣高  
進增修文廟兩廡建戟門敬一亭啟聖祠嘉靖十七  
年知縣劉維禴建射圃亭二十六年知縣彭範三十  
年知縣任環各增修教諭程鑒建巖巖亭於饌堂後  
三十三年知縣張佳胤重修饌堂隆慶六年知縣許

雲濤建尊經閣萬曆四十四年知縣趙時晉各增修  
本朝順治三年知縣郭心印重修兩廡九年署印大名府  
推官宋瓌重修廟前兩坊康熙二十五年知縣姚德  
聞重修學宮自靈星門戟門大殿兩廡兩齋明倫堂  
尊經閣敬一亭啟聖名宦鄉賢三祠俱煥然一新先  
是居民將廟前地基侵佔以爲闖闖至是悉清理復  
舊並修廟前東西南三坊規模宏敞又教諭官署傾  
圯已久復創建於尊經閣之右康熙五十年訓導邊  
企嶷議修學宮署令呂炯知縣王士炳暨本邑紳士

咸有捐助三年而成雍正年間知縣姚孔炳復修乾隆二十六年知縣呂文光重修嘉慶癸酉亂後二十五年奉

旨建修道光三十年知縣徐士琦重修

廟制大成殿五楹殿之前爲兩廡前爲戟門又前爲泮池又前爲靈星門又前屏垣一東西各一門

靈俗誤櫺

正殿

至聖先師正位南面

聖祖仁皇帝御製贊

并序

蓋自三才建而天地不居其功一中傳而聖人代言  
其蘊有行道之聖得位以綏猷有明道之聖立言以  
垂憲此正學所以常明人心所以不泯也粵稽往緒  
仰邇前徽堯舜禹湯文武達而在上兼君師之寄行  
道之聖人也孔子不得位窮而在下秉刪述之權明  
道之聖人也行道者勲業炳於一朝明道者都思周  
於百世堯舜文武之後不有孔子則學術紛淆仁義  
湮塞斯道之失傳也久矣後之人而欲探二帝三王  
之心法以爲治國平天下之要其奚所取衷焉然則

孔子之爲萬古一人也審矣朕巡省東國謁祀闕里  
景企滋深遂摘筆而爲之贊曰

清濁有氣剛柔有質聖人參之人極以立行著習察  
舍道莫由惟皇建極惟后綏猷作君作師垂統萬古  
曰惟堯舜禹湯文武五百餘歲至聖挺生聲金振玉  
集厥大成序書刪詩定禮正樂旣窮象繫亦嚴筆削  
上紹往緒下示來型道不終晦秩然大經百家紛紜  
殊途異趣日月無踰羹牆可晤孔子之道惟中與庸  
此心此理干聖所同孔子之德仁義中正秉彝之好

根本天性庶幾夙夜勗哉令圖遡源洙泗景躅唐虞  
載歷庭除式觀禮器摘毫仰贊心焉遐企百世而上  
以聖爲歸百世而下以聖爲師非師夫子惟師於道  
統天御世爲道爲寶泰山巖巖東海泱泱牆高數仞  
夫子之堂孰窺其藩孰窺其徑道不遠人克念作聖

康熙二十三年恭懸

聖祖仁皇帝御書萬世師表額雍正三年恭懸

世宗憲皇帝御書生民未有額乾隆三年恭懸

高宗純皇帝御書與天地參額嘉慶四年恭懸

仁宗睿皇帝御書聖集大成額道光元年恭懸

宣宗成皇帝御書聖協時中額咸豐二年恭懸

文宗顯皇帝御書德齊疇載額同治二年恭懸

御書聖神天縱額

東配

復聖顏子

名回字子淵山東兗州府曲阜人漢永平十五年祀唐貞觀二年配饗

述聖子思子

名伋字子思孔子之孫宋大觀二年祀端平三年升哲位咸淳三年配饗

西配

宗聖曾子

名參字子輿山東兗州府嘉祥人唐開元八年祀宋咸淳三年配饗

亞聖孟子

名軻字子輿山東兗州府鄒縣人宋元豐七年配饗

聖祖仁皇帝御製四子贊

聖道蚤聞天資獨粹約禮博文不遷不貳一善服膺  
萬德來萃能化而齊其樂一致禮樂四代治法兼備  
用舍行藏王佐之器

洙泗之傳魯以得之一貫曰唯聖學在茲明德新民  
止善爲期格致誠正均平以推至德要道百行所基  
纂承統緒修明訓辭

於穆天命道之大原靜養動察庸德庸言以育萬物

以贊乾坤九經三重大法是存篤恭慎獨成德之門  
卷之藏密擴之無垠

哲人既萎楊墨昌熾子輿闢之曰仁與義性善獨闢  
知言養氣道稱堯舜學屏功利煌煌七篇並垂六藝  
孔學攸傳禹功作配

東哲

先賢閔子

名損字子騫山東兗州府  
曲阜人唐開元八年祀

先賢冉子

名雍字仲弓伯牛之  
宗族唐開元八年祀

先賢端木子

名賜字子貢河南衛輝府  
濬縣人唐開元八年祀

先賢仲子

名由字子路山東兗州府泗水人唐開元八年祀

先賢卜子

名商字子夏河南懷慶府溫縣人唐開元八年以十哲祀

先賢有子

名若字子有山東兗州府曲阜人唐開元八年祀 國朝乾隆三年升列哲位

西哲

先賢冉子

名耕字伯牛山東兗州府鄆城人唐開元八年祀

先賢宰子

名予字子我山東兗州府曲阜人唐開元八年祀

先賢冉子

名求字子有仲弓之宗族唐開元八年祀

先賢言子

名偃字子游南直蘇州府常熟人唐開元八年祀

先賢顓孫子

名師字子張河南開封府陳州人唐開元八年祀

先賢朱子

名熹字元晦南直徽州府婺源人宋高宗  
元年祀國朝康熙五十一年升列哲位

東廡先賢

先賢公孫僑

字子產鄭人國  
朝咸豐七年祀

先賢林放

字子立魯人唐開元二十七年祀明嘉靖  
九年改祀於鄉國朝雍正二年復祀

先賢原憲

字子思河南歸德府商邱  
人唐開元二十七年祀

先賢南宮适

字子容魯人孔子兄孟皮  
之婿唐開元二十七年祀

先賢商瞿

字子木山東曲阜人  
元二十七年祀

先賢漆雕開

字子若河南汝陽縣人  
唐開元二十七年祀

先賢司馬耕

字子牛河南歸德府商  
邱人開元二十七年祀

先賢梁鱣

字叔魚山東兗州府人  
唐開元二十七年祀

先賢冉孺

字子魯山東兗州府人  
唐開元二十七年祀

先賢伯虔

字子析山東兗州府人  
唐開元二十七年祀

先賢冉季

字子產山東兗州府人  
唐開元二十七年祀

先賢漆雕徒父

字子期山東兗州府人  
唐開元二十七年祀

先賢漆雕哆

字子斂山東兗州府人  
唐開元二十七年祀

先賢公西赤

字子華山東兗州府曲阜人  
唐開元二十七年祀

先賢任不齊

字子選湖廣荊州府人  
唐開元二十七年祀

先賢公良孺

字子正河南開封府陳州人  
唐開元二十七年祀

先賢鄒單

字子家山東東昌府聊城人唐開元二十七年祀

先賢公肩定

字子忠山東兗州府人唐開元二十七年祀

先賢罕父黑

字子索山東兗州府人唐開元二十七年祀

先賢榮旂

字子祺山東兗州府人唐開元二十七年祀

先賢左人郢

字子行山東兗州府人唐開元二十七年祀

先賢鄭國

字子徒山東兗州府人唐開元二十七年祀

先賢原亢

字子籍山東兗州府人唐開元二十七年祀

先賢廉潔

字子庸河南衛輝府人唐開元二十七年祀

先賢叔仲會

字子期山東兗州府人唐開元二十七年祀

先賢公西輿如

字子上山東兗州府人  
唐開元二十七年祀

先賢邽巽

字子歛山東兗州府人  
唐開元二十七年祀

先賢陳亢

字子禽河南開封府陳州人  
唐開元二十七年祀

先賢琴張

字子開河南衛輝府人  
唐開元二十七年祀

先賢步叔乘

字子車山東青州府人  
唐開元二十七年祀

先賢秦非

字子之山東兗州府人  
唐開元二十七年祀

先賢顏噲

字子聲山東曲阜縣人  
唐開元二十七年祀

先賢顏何

字子冉魯人  
唐開元二十七年祀  
明嘉靖九年罷國朝雍正二年復祀

先賢縣亶

字子象魯人  
國朝雍正二年祀

先賢牧皮

魯人 國朝  
雍正二年祀

先賢樂正克

字子正齊人 國  
朝雍正二年祀

先賢萬章

國朝雍正  
二年祀

先賢周敦頤

字茂叔道州人  
宋淳祐元年祀

先賢程顥

字伯淳洛陽人  
宋淳祐元年祀

先賢邵雍

字堯夫河南人  
宋咸淳三年祀

東廡先儒

先儒公羊高

齊人子夏弟子唐  
貞觀二十一年祀

先儒伏勝

字子賤秦漢間濟南人  
唐貞觀二十一年祀

先儒毛亨

秦漢間人  
國朝同治二年祀

先儒孔安國

字子國漢曲阜人孔子十一世孫唐貞觀二十一年祀

先儒后蒼

字近君山東兗州府郟城人漢宣帝時爲博士明嘉靖九年祀

先儒鄭康成

漢高密人唐貞觀二十一年祀明嘉靖九年改祀於鄉國朝雍正二年復祀

先儒范甯

字武子晉鄆陵人唐貞觀二十一年祀明嘉靖九年改祀於鄉國朝雍正二年復祀

先儒陸贄

字敬輿唐嘉興人國朝道光六年祀

先儒范仲淹

字希文宋吳縣人國朝康熙五十四年祀

先儒歐陽修

字永叔江西吉安府廬陵縣人明嘉靖九年祀

先儒司馬光

字君實山西平陽府夏縣人咸淳三年祀

先儒謝良佐

字顯道宋上蔡人國朝道光二十九年祀

先儒羅從彥

字仲素宋沙縣人明萬曆四十二年祀

先儒李綱

字伯起宋邵武人國朝咸豐元年祀

先儒張栻

字敬夫四川成都府綿竹人景定二年祀

先儒陸九淵

字子靜江西撫州府金谿縣人明嘉靖九年祀

先儒陳淳

字安鄉宋龍溪人國朝雍正二年祀

先儒真德秀

字景元福建建甯府浦城人明正統二年祀

先儒何基

字子泰宋金華人國朝雍正二年祀

先儒文天祥

字宋瑞宋廬陵人國朝道光二十三年祀

先儒趙復

字仁甫宋德安人  
國朝雍正二年祀

先儒金履祥

字吉父宋元間蘭溪人  
國朝雍正二年祀

先儒陳澹

字可大宋元間都昌人  
國朝雍正二年祀

先儒方孝孺

字希直元明間人  
國朝同治二年祀

先儒薛瑄

字德温山西平陽府河  
津人明隆慶五年祀

先儒胡居仁

字叔心江西饒州府餘  
千人明萬曆十二年祀

先儒羅欽順

字允升明太和人  
國朝雍正二年祀

先儒呂柟

字仲木明高陵人  
國朝同治二年祀

先儒劉宗周

字念臺明山陰人  
國朝道光二年祀

先儒孫奇逢

字啟泰明容城人  
國朝道光八年祀

先儒陸隴其

字稼書 國朝平  
湖人雍正二年祀

西廡先賢

先賢蘧瑗

字伯玉河南衛輝府人唐開元二十七年祀  
嘉靖九年改祀於鄉 國朝雍正二年復祀

先賢澹臺滅明

字子羽山東兗州府費縣人唐開元二十七年祀

先賢宓不齊

字子賤山東兗州府曲阜人唐開元二十七年祀

先賢公冶長

字子長山東青州府諸城縣人孔子之婿唐開元二十七年祀

先賢公皙哀

字季沉山東濟南府人唐開元二十七年祀

先賢高柴

字子羔衛人唐開元二十七年祀

先賢樊須

字子遲山東兗州府人  
唐開元二十七年祀

先賢商澤

字子季山東兗州府人  
唐開元二十七年祀

先賢巫馬施

字子期河南開封府陳州人  
唐開元二十七年祀

先賢顏辛

字子柳山東兗州府曲阜人  
唐開元二十七年祀

先賢曹卹

字子循魯人唐開元二十七年祀

先賢公孫龍

字子石楚人唐開元二十七年祀

先賢秦商

字子丕山東兗州府人  
唐開元二十七年祀

先賢顏高

字子驕山東兗州府曲阜人  
唐開元二十七年祀

先賢壤駟赤

字子徒陝西西安府人  
唐開元二十七年祀

先賢石作蜀

字子明陝西鞏昌府人  
唐開元二十七年祀

先賢公夏首

字子乘山東兗州府人  
唐開元二十七年祀

先賢后處

字子里山東青州府人  
唐開元二十七年祀

先賢奚容蒧

字子哲山東兗州府人  
唐開元二十七年祀

先賢顏祖

字子襄山東兗州府曲阜人  
唐開元二十七年祀

先賢句井疆

字子野河南衛輝府人  
唐開元二十七年祀

先賢秦祖

字子南陝西西安府人  
唐開元二十七年祀

先賢縣成

字子祺山東兗州府人  
唐開元二十七年祀

先賢公祖句茲

字子之山東兗州府人  
唐開元二十七年祀

先賢燕伋

字子思山東兗州府人  
唐開元二十七年祀

先賢樂歆

字子聲山東兗州府人  
唐開元二十七年祀

先賢狄黑

字子皙河南衛輝府人  
唐開元二十七年祀

先賢孔忠

字子蔑孔子兄子唐  
開元二十七年祀

先賢公西蒧

字子尙山東兗州府人  
唐開元二十七年祀

先賢顏之僕

字子叔山東曲阜人  
唐開元二十七年祀

先賢施之常

字子恒山東兗州府人  
唐開元二十七年祀

先賢申枏

字子周山東兗州府人  
唐開元二十七年祀

先賢左邱明

山東兗州府文上人唐貞  
觀二十一年以經師祀

先賢秦冉

字子開蔡人唐開元二十七年祀明  
嘉靖九年罷國朝雍正二年復祀

先賢公明儀

國朝咸豐三年祀

先賢公都子

國朝雍正二年祀

先賢公孫丑

齊人國朝雍正二年祀

先賢張載

字子厚宋郾縣人  
淳祐元年祀

先賢程頤

號伊川宋洛陽人  
淳祐元年祀

西廡先儒

先儒穀梁赤

字元始子夏弟子唐貞觀二十一年祀

先儒高堂生

秦漢間人唐貞觀二十一年祀

先儒董仲舒

漢武帝初年對策爲江都相元至順元年祀

先儒毛萇

唐貞觀二十一年祀

先儒杜子春

東漢河南人唐貞觀二十一年祀

先儒諸葛亮

字孔明蜀漢瑯琊人國朝雍正二年祀

先儒王通

字仲淹隋龍門人明嘉靖九年祀

先儒韓愈

字退之唐孟縣人宋元豐七年祀

先儒胡瑗

字翼之宋秦州人明嘉靖九年祀

先儒韓琦

字稚圭宋安陽人國朝咸豐二年祀

先儒楊時

字中立宋將樂人明宏治八年祀

先儒尹焯

字彥明宋洛陽人  
國朝雍正二年祀

先儒胡安國

字康侯宋建甯人  
明正統二年祀

先儒李侗

字原中宋劍浦人  
萬曆四十二年祀

先儒呂祖謙

字伯恭宋金華人  
景定二年祀

先儒黃榦

字直卿宋閩縣人  
國朝雍正二年祀

先儒蔡沈

字仲默宋建陽人  
明正統二年祀

先儒魏了翁

字華父宋浦江人  
國朝雍正二年祀

先儒王柏

字會之宋金華人  
國朝雍正二年祀

先儒陸秀夫

國朝咸豐九年祀

先儒許衡

字平仲元河內人皇慶二年祀

先儒吳澄

字幼清元崇仁人明正統八年祀嘉靖九年罷國朝乾隆二年復祀

先儒許謙

字益之元金華人國朝雍正二年祀

先儒曹端

字正夫明洪武時澠池人國朝咸豐十年祀

先儒陳獻章

字公浦明宣德時新會人萬曆十二年祀

先儒蔡清

字介夫明景泰時晉江人國朝雍正二年祀

先儒王守仁

字伯安明餘姚人萬曆十二年祀

先儒呂坤

字叔簡明甯陵人國朝道光六年祀

先儒黃道周

號石齋明末漳浦人國朝道光五年祀

先儒湯斌

號潛庵 國朝睢州人 道光三年祀

崇聖祠

在文廟東

崇聖祠正位

肇聖王木金父公正中南向

至聖五世祖

裕聖王祈父公東一室南向

至聖高祖

詒聖王防叔公西一室南向

至聖曾祖

昌聖王伯夏公東二室南向

至聖祖

啟聖王叔梁公西二室南向

至聖父

東配

先賢孔氏

名孟皮 國朝  
咸豐七年配饗

先賢顏氏

名無繇 唐開元二十七年  
祀明嘉靖九年配饗

先賢孔氏

名鯉 宋咸淳三年祀  
明嘉靖九年配饗

酉配

先賢曾氏

名點 唐開元二十七年  
祀明嘉靖九年配饗

先賢孟孫氏

名激 明嘉靖  
九年配饗

東廡先儒

先儒周氏

名輔 成字伯大 周敦頤  
父明萬曆二十三年祀

先儒程氏

名珦 字伯温 二程  
父明嘉靖九年祀

先儒蔡氏

名元定字季通蔡沈  
父明嘉靖九年祀

西廡先儒

先儒張氏

名廸字吉甫張載父  
國朝雍正二年祀

先儒朱氏

名松字喬年朱嘉  
父明嘉靖九年祀

東西廡先賢先儒位次乾隆十八年

高宗純皇帝命廷臣考據史傳按年序次載在會典後增祀

者多未便增祀一人移易諸位但就祀位多寡年代

先後酌擬增入但論一廡尚無凌轢合較兩廡未免

參差同治二年給事中王憲成奏請釐定

上諭命禮部考正次序繪圖頒發天下如續有增祀仍就

東西廡配位多寡按次增入

世祖章皇帝訓飭士子臥碑文

順治九年

一生員之家父母賢智者子當受教父母愚魯或有  
非爲者子旣讀書明理當再三懇告使父母不陷於  
危亡

一生員立志當學爲忠臣清官書史所載忠清事蹟  
務須互相講究凡利國愛民之事更宜留心

一生員居心忠厚正直讀書方有實用出仕必作良

吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許干預他人詞訟他人亦不許牽連生員作証

一爲學當尊敬先生若講說皆須誠心聽如有未明從容再問毋妄行辯難爲師長者亦當盡心教訓勿

致怠惰

一軍民一切利病不許生員上書陳言如有一言建  
白以違制論黜革治罪

一生員不許糾黨多人立盟結社把持官府武斷鄉  
曲所作文字不許妄行刊刻違者聽提調治罪

金趙夷簡修文廟記國家統御方宇昭揭太平戈革  
塵積教化風布煥爛乎唐虞三代時也聖上龍興撫  
運崇儒禮樂典章以次蒐舉士類於此雲翔霧會以  
共趨於士君子之域若民之師帥所以承流宣化有

能體聖上崇儒尙文之意者不其大賢也歟大中元  
年鎮國上將軍清河張公來治於滑署事之後擇日  
謁宣聖見其廟宇敝甚乃以司法參軍都極掌其役  
事與其學館爲之葺新越明年仲春其功克完而落  
成焉蓋公以元勲巨德爲國藩屏理繁治劇綽有餘  
裕而都公儒術入仕具明練膚敏之才故直聽措規  
成以不勞增其廟貌繪其聖像重師禮也廣其學宮  
列其齋厨優生員也藻飾必彰端序必直易去榛莽  
與政俱善示新作也凡在郡內鈔墨遺刻蒐而取之

樹列其中尊古文也至於重簷縹緲而雲塞廣厦嶙峋而山踣焜煌煥赫錯陳輝映繁星有爛彤霞互照巍巍乎復嚴夫子之宮牆炫乎咸仰仲尼之日月華棖髹楯高甍巨桷水光日影動搖而上下其高明寬廣可以答遠響而生清風焉故春秋釋奠典禮備舉登降有級薦獻有序煌煌太廟之金石燦燦夾楹之簠簋珮玉之音絃歌之聲威儀之容迭陳互奏盈耳溢目郁郁乎洙泗之風也州人士子莫不從其禮化日益遷善此皆公爲民師帥崇文尙儒之所致歟昔

漢文翁之治蜀也開設郡學以詩書教人故百姓順  
賴時則有司馬相如王褒楊雄輩出於其間皆軒昂  
穎異當時儒風之振自文翁始况夫滑之爲州天下  
之衝也右阻太行前界河洛巖巖乎陣雲回雁之峯  
洶湧乎浮天浴日之浪山川藹映風土淳厚其中長  
材秀質稟靈以生者正有待夫教育而成焉公爰自  
下車銳意學校不啻文翁之治蜀郡將見風乎是邦  
歸與魯堂士之相與藏修詠歌於是者章甫如星縫  
掖如雲聚學成海百川可吞粹詞爲峯良玉如切致

攷仁義惟日不足若然則不負國家之樂育不背孔門之科教不枉賢太守之善導異時登名科甲羽儀朝廷如芹藻之可以采而薦羞者濟濟焉不見其窮庶幾刊之金石視魯人泮水之頌無愧辭也

元吳炳明倫堂記聖元合三光五岳之氣首發大號崇文治建廟學春秋釋奠以祠先聖薄海內外罔不惟重滑州近在河北自古以爲重鎮白馬望縣土廣而民重親隸於州令丞以下皆有加秩學校教養之具誠宜率先旁郡以稱明詔州學堂序居徒之舍棖

棟傾落莫除風雨垣傾級夷周旋登降莫克施禮祀  
寒盛暑師生倚席莫克肄講丞至謁學芟薙行事退  
而嘆曰民務之急顧不在是而弗究圖其固有待予  
敢負丞以卽偷怠有所不盡巍然炳然臨之在上無  
辭於罰其尙啟迪繼有成緒眾尙斷斷以爲未可丞  
復嘆曰時誦舉羸大不可益施設有丞實貳令其何  
敢亟以速罪戾乃務農寬役以還流徙勸善懲惡以  
敦習俗屬其老幼導之慈孝勿越教條重其力役獄  
無度囚訟亦衰息丞曰可矣乃集學之餘廩計工市

材儲積待事以告於州監阿里火者尹趙克敬宋暹  
頓同知普化判官郭復亨儒學教授龐時中善士萬  
好禮等嘉丞是舉咸有欣贊道課旣協眾競趨事中  
堂五楹齋舍對峙節稅翬騫階屺峻整師有講席諸  
生環列槩杆几研罔不修具絃誦不輟而士至如歸  
至元六年仲春釋奠用禮大夫校官長吏庶士靡不  
在列咸曰休哉丞績乃底於是耶此役也財不厲民  
工不違時經度規制罔愆於素如或相之是堂之成  
幾甲旁郡狀可記者若是今未代去餘不敢及丞之

於職可謂無負矣

明宋訥滑縣修學記斯道之在天下不以治而存亂而亡也惟其行於世故必託諸人昔聖王之作民君師設官分職立政立教以長以治蓋欲明斯道於天下託於人而行於世焉其爲教也因人性固有者以導之又慮其間有由而不知爰設學校擇民之俊秀以教之雖開以六藝亦莫不因其固有之善而發明之未始有務於外也則人倫明王道行此先王教化之澤所以爲盛後之王天下者自京師而郡縣建學

必託於宣聖者蓋祖述憲章之功爲大廟學之修萬  
世不可廢也聖天子簡在帝心肇造區夏推天地父  
母斯民之心崇儒興學以順民之恆性自國學達於  
郡邑鄉校其爲教悉本古者小學大學之法故天下  
翕然而向風滑以州改縣實惟河朔文明之地扈於  
元季兵燹學廢廟存皇明洪武戊申職州治者適爾  
一新而規模卑狹淺陋荒穢不除過者爲之興嘆甲  
寅秋金華諸仲仁來知縣事旣舉其職謁拜廟下慨  
念學校廢弛思有以修之乙卯春始構肄業之齋撤

舊爲新右曰存仁左曰立禮而學有可觀者焉丙辰  
秋建東西廡於廟兩序列繪諸賢且造神主以祀之  
又念受業之堂弗稱不足以聳人之瞻視乃謀改作  
己未春捐俸勸義裒財集工擴而大之梁棟傍引丹  
碧輝映宏壯深邃始與廟稱判簿崔君景文亦嘗協  
心贊之前後制作凡二十有八楹繚以宮牆儼如也  
是歲四月之朔學訓導于彬里學師張善遣諸生持  
狀走予里且到彬之言曰侯施惠於滑者甚厚邑大  
夫上庶咸願賜文以紀侯之功使滑之爲士者知名

教之所在義禮之當尊修其孝弟忠信其細民如風  
行草偃胥勸尊君親上不其偉歟訥聞其語有風化  
欲辭而不敢者有二焉皇上興學之制刻諸石其所  
以嘉惠後學勸勵長養以風天下者旣如此之重賢  
侯治滑之政又能重修廟學振起儒風不負朝廷論  
選之實而克盡承宣之責者復如此之備是宜有記  
勸懲將來嗚呼建學立師非但發明前聖之道實所  
以作養當代之材爲師爲弟子使學問見之於踐履  
文教施之於政事則聖賢明體達用之學於是乎在

而文風丕變人材輩出起而輔一代雍熙之治亦豈外是而他求此又訥有望於滑之士也

王崇慶重修文廟記夫事有振萬古而常存曠百世而相感者則以道之所在情自係焉爾也是故羹墻見堯河洛思禹重其道也重其道則重其人重其人則安其靈安其靈者存乎廟故廟也者所以崇德而報功也惟天生仲尼合堯禹而上之而或不爲之所豈人情歟嗚呼茲固滑之孔廟所由重乎開去滑蓋九十里聞邑有孔廟創自武洪之二十有二年歲月

幾何廢興不一間或補修又皆莫之能久其故可知  
己惟庚寅歲秋七月雨秋八月雨廟堂益壞越明年  
辛卯令尹崑山高子進始宰是一日謁廟深用咨慨  
欲遂修之不果重年荒也未幾巡按御史傅公按滑  
之明日進諸生而問俗焉曰嗟乎茲春秋所謂次於  
滑者非與又明日率諸生而詣泮焉顧瞻殿庭曰嗟  
乎茲易所謂立廟而聚渙乃今若是與旣而見兩廡  
齋堂及射圃曰嗟乎茲羣賢所配享諸生所以修業  
而習射之地也乃今若是與是誠在我乃進高子而

告之曰吾聞政先禮樂志士不忘本也子盍圖之高  
子曰嘻是進之所嘗欲爲而未之逮也敢不惟命則  
相與謀所以新廟者會有服舍違式之禁邑之富  
民實犯之因請於公而資廟焉乃遂命官糾工擇匠  
理材作廟門易木以石葺其廡遂飾其殿新其齋因  
饌其堂旣而作射圃廳作敬一亭作啟聖祠各創修  
如式無慮三五十楹巍然煥然視昔蓋有加矣工始  
於三月之戊寅旣四月而甲子告成君子曰賢哉柱  
史乎重道而不勞民近乎仁宥罪而教之以正近乎

義合後先之廢而一之近乎禮工不越月而竟近乎  
勇夫是謂四善矣其諸異乎人之撰與今夫天下莫  
大乎道道莫備乎孔子世方出入造化於道而顧往  
往以道爲外惟末之圖視公之人品藻鑑何如也噫  
是可以觀公之大畧矣公名漢臣字元功號現川東  
萊人丙戌進士先推府鎮江尋擢御史綽有風采多  
實政修廟固其一耳敢以告作史者且以爲高子復  
國朝閭禧重修學碑邑之有學其來舊矣歷久而圯  
亦其勢必然但歲稔時豐物力充裕旋儉旋理故易

辦也明庚辰歲邑大祓炊煙村冷道墜相望學宮傾  
頽至不蔽風雨每時享日率移主於烈日中以席覆  
之謹室鞠爲茂草宮牆蕩爲通衢長治者逡巡莫之  
能舉禮儀章程失其序者瀕五年所夫亦文運一大  
厄已邑侯郭令君以乙酉來蒞茲土顧瞻官廟輒嘆  
惜不能去第猝難兼舉乃先謀所以妥聖者葺其殿  
宇峻其牆垣俎豆犧牲一循舊典曾未浹月赫然改  
觀矣越明年秋釐奸剔弊以次就繩始議修兩廡及  
博士齋時木料輒石悉屬烏有而眾有虞心謂汔可

方臻化離尙在卒有徵調閭里騷然其虞一帑藏空  
竭縉纒不繼物價沸貴安所取給其虞二誅鋤未畢  
旋事畚鍤妨農動眾不免怨咨其虞三而侯恬如也  
庀材鳩工悉分養廉之餘役不及民勞不踰時經營  
凡五月廊廡師舍衢道周垣麟如翼如拭如采如君  
子以居小人以誦而曾不捐閭閻之一毛事竣學博  
王君郭君率羣弟子伐穹窿之石徵文永之而屬諸  
余余乃前諸事而揖之曰諸君子不知朝廷養士之  
旨與侯新學之意乎夫今之公卿大夫紆青拖紫朱

丹其軼身近雲霄名昭日月其始固岌岌其冠委委其帶若玉之未斲女之未笄爲儒而養育於學者也三代盛時樸棧菁莪號稱得人降及後世世殊勢異而士自通一經以上鹿鳴饗之比雁行而進天子之庭則又親屈萬乘尊嚴連茹拔之夫甯逸其身而尊顯焉母亦惟是培植於昔者擢用於今俾處爲孝子出爲忠臣上不負國家下不負所學以克副朝廷養士之意云爾而士之先資拜獻持羔雁以結明主之知者必曰文章夫今之文章固古之言辭也古人因

心爲言言出而雅馴成章則曰文故曰文以足言文則言也古人以言爲文今人乃以文爲文以言爲文故有而後言以文爲文卽無亦強言矣有而後言故卽其文可知其人無而強言言愈文而人愈不可知矣曹子桓有云年壽有時而盡榮樂止於其身未若文章之無窮夫文章何能無窮文章而言忠言孝言其所有讀其文想見其人故無窮也諸君子誦法孔子孔子之言儒也曰夙夜強學以待問忠信以待舉力行以待取又曰弓調而後求勁馬服而後求良士

慈而後求智能以其文重歟抑文以人重歟臯夔稷契何書可讀桐江一絲九鼎攸繫又奚必紀頁貳如子政覈鼯鼠若終軍始爲博物君子哉卽如侯宰滑踰年矣諸君子試以侯所行質侯所以文是行者無所謂碧鷄炙穀雕蟲刻楮之巧也無所謂探鈎射覆問羊得馬之術也無所謂鷹鷂搏擊深文峻刻之習也然而清也慎也勤也文章飾吏治蔑以加也其昭融溥大固以爲諸君子師矣今聖明啟運九落羣生濡澍湛澤諸君子際昌邁會抱策藏猷覲一旦之遇

雲蒸虎變正惟其時候以朝廷之心爲心諸君子乃  
不以侯之心爲心侈紙上空談務國門之一字文則  
是其人則非不惟非朝廷養士之旨亦非侯新學之  
意矣故余願諸君子以真人品爲真文章甯拙無巧  
甯儻無侈甯樸無雕上以實求下以實應俾淫哇之  
響息忠孝之節著世道人心端有賴矣則是役也其  
足以攻諸君子之玉否於是諸士皆改容起謝曰敬  
拜命矣遂書以誌不朽

姚德聞重修學宮記今

天子振興文教海內向風尊禮先師 駕幸闕里親行釋

奠 御書萬世師表一額懸之曲阜俾光廟貌且頒

行各省府州縣以見同文之盛我國家尊師重道之

曠典互古以來不數觀也甲子秋予謬膺簡命承乏

茲邑迄今二載每於朔望肅謁文廟見聖殿傾圮兩

廡頽壞而尊經閣尤爲敝甚卽廣文講習地亦鞠爲

茂草其何以炳吾道於日星覺斯人如長旦哉對此

心傷匪朝伊夕矣顧念蒞任未朞不敢煩我父老以

故稍緩旣於去冬十二月朔奉到 御頒萬世師表

一額捧入學宮懸掛煌煌 御墨大爲夫子光華第  
聖廟不亟爲修整不幾上負

聖天子尊崇至意乎况鼎新學校守土之責而令宮墻之  
地荒蕪不治將靖共厥職之謂何且滑向稱文藪名  
賢輩出邇年以來不特鼎甲無人卽登賢書者亦落  
落如晨星焉則是俎豆無光之故亦可槩見矣用是  
於今春二月首爲捐俸鳩工庀材諸紳衿咸爲樂助  
先聖殿次兩廡次尊經閣次啟聖祠次明倫堂次鄉  
賢名宦祠以及敬一亭猶未也向有居仁由義二門

東西兩峙日久廢弛爲之重建更以餘力治及廣文  
齋舍凡兩坊以外戟門以內飾以丹雘圍以墻垣向  
所蕪穢而不治者燠乎一新維時同事者則有縣丞  
陳紹學博則有賈淑呂協陽薦紳則呂君夾鐘等諸  
生則有陳黃榜等同心協力鼓舞興作是舉也始於  
丙寅春二月之辛亥成於秋七月之壬寅凡五閱月  
而厥工告竣今而後得其門而美富可藏也登其堂  
而道德儼如也入其齋而講讀有所也泮宮生色若  
藻呈香譽髦踴躋無添蒸嘗行見滑之文風日盛多

士彙征於以仰答 聖朝尊師重道之盛心而黼黻  
文明之治於奕禩有不從此中教育而不變者乎予  
雖吳下句儒竊守此土正樂得而觀其盛也是爲記  
呂文光重修文廟碑記蓋聞道與時隆治由象顯互  
萬古而不散者聖人之所以立極合四海而胥同者  
斯文之所以聿新是以興王啟宇莫不尊師下土承  
風咸知慕學自昔皆然負乎尙矣我

國家鴻圖熙洽泰運昌明崇禮

先師曠軼往代神京首善辟靡振鐘鼓之音薄海名區

校序廣菁莪之化覩至治者樂太平之盛望高山者  
懷景仰之心匹夫孺子思奮跡于宮牆負性含生亦  
濯躬于禮儀矧茲中土文獻爲多凡我士人觀摩最  
熟者哉滑邑當冀充之交扼三河之要南瞻嵩洛西  
引太行考其封域本辛陽元愷之墟溯厥流風食康  
叔武公之舊昔我夫子屢至于斯俯蚩氓而談富教  
本鐸如聞陳俎豆以悟君公磬心斯揭由來轍迹易  
感人心粵自金源之代始創黌宮值此巽風之隅儼  
觀廟制規模式廓旣如跂而如飛祀事孔明爰載燿

而載灌長人者用敷在寬之教勸德者徐升由漸之階顧已歷自元明訖于近歲頻遭圯壞時有振新而土木無金石之堅風雨有飄飄之患觀瞻不肅政教何施文光初縮符而入境敬釋菜以升堂周視旁皇仰瞻怵惕亟諮僚友逮訪紳耆迺咸告余前令甯海張君思教化之由以興修爲任締構已觀其一二經營未底於克成若東西廡及明倫堂其有成規可覘大槩至于內之殿宇功費浩繁外之垣牆形模卑陋將飾舊以增新思築堅而易久司牧幸圖先務邦人

敢作旁觀余曰善哉前人之美後人義合成之一邑  
之志有司職在先之無多冰俸余願爲嚆矢于前不  
置金錢爾易作眾擎之舉第匪同乎築室宜弗懈于  
道謀于時父老子弟鼓舞奉公羣技百工紛綸集事  
遂經始于庚辰春月告成功于是歲仲冬伐木必求  
其勁直鑿石則務其情瑩瓴甌黝堊之兼資金鐵鑪  
冶之並用雕楹績椽爛然焜燿之觀阿閣重檐赫矣  
巍峩之勢由是穹然而峙于中者大成殿也翼然而  
拱于旁者東西序也南則櫺星戟門之間頌水亭泮

芹藻馨也北則明倫尊經之次齋房潔清茲誦盈也  
三坊矗于前奎躔斗宿接光芒也高垣屏于外宗廟  
百官藏美富也以廣大聖之孝故左有崇聖之宮也  
以成後死之仁故旁有名賢之祔也若迺寅清在室  
燔燎在庭麗牲有碑塵毛有坎琴瑟祝嘏庫以司之  
犧象筭筭官以守之或因或創宜補宜增莫不秩然  
其有章燦然其大備也而後長吏與諸生專壹其心  
肅恭其貌相與登降頽仰而有事廟庭者報藏事于  
聖人也嗚呼夫子之盛生民所未有學校以教爲政

所必先幸惟斯邑士人勇于向道遂令積時頽墮歟  
然改觀自此炳炳蔚蔚羹倫敘而風俗咸和濟濟翔  
翔政事懋而文章益顯雖事闕一邑已足仰

聖朝聲教之不隆苟從此百年能無望繼起英賢之振作  
是役也時不逾乎旬月費僅越乎千緡同志者博士  
高居敬邵籍縣尉陳紹先襄事者邑紳士盧兆麟成  
朝彥耿湜常成文馬考祥霍彩雲邵民望李興邦等  
及余同里文學倪日修例得備書永垂不朽敬誌巖  
末爰泐貞珉

名宦祠在戟門外東偏

漢

韓延壽太守 王尊太守 翟義太守 耿純太守

晉

鄭默太守

魏

高祐義成軍節度使

唐

李德裕滑州刺史

宋

陳堯佐

滑州刺史

歐陽修

滑州判

陳希堯

滑州知州

梅摯

滑州知州

李韋

通判

李若谷

知州

韓綜

知州

明

諸宏道

知縣

張鳴鳳

知縣

王憲

知縣

王德

大名府推官  
署滑縣事

任環

知縣

張佳胤

知縣

鍾羽正

知縣

張經

縣丞

國朝

朱昌祚

直隸山東河南總督

朱宏祚

閩浙總督

李蔭祖

直隸山東河南

總督

于成龍

直隸巡撫

格爾古德

直隸巡撫

沈朝聘

直隸巡撫

趙宏燮

直隸總督

邵嗣堯

直隸守道

吳允謨

大名知府

陳啟泰

知縣

鄉賢祠在戟門外西偏

漢

汲黯

淮陽太守

尹齊

淮陽都尉

晉

成公綏

中書郎中

隋

韓擒虎

上柱國  
將軍

華

秋

逸士

唐

李元紘

平章  
事

崔良佐

武部  
郎中

盧懷慎

平章  
事

王

恭

太學  
博士

鄭

遨

諫議  
大夫

宋

馮守信

威塞軍  
節度使

李師忠

河東  
轉運使

金

閻忠

開州  
刺史

元

宋崇祿

戶部  
尚書

明

宋

訥

文淵閣  
大學士

蔣廷瓚

貴州左  
布政使

孟

桓

江西左  
布政使

王

肅

福建  
僉事

安

盤

太平府  
通判

祁伯裕

兵部  
尚書

魏

象

僉都  
御史

胡

權

吏部文選  
司員外

閻

祺

庠  
生

國朝

劉源濬

饒南九  
江道

劉源深

鎮江府  
推官

孝弟忠義祠

節孝祠在北門內

教諭宅在學宮西雍正中署教諭谷旦建後廢改建  
訓導宅在學宮東

書院義社學

歐陽文忠公書院在儒學前東南隅萬曆三十一年  
知縣王廷諫建大廳三楹額曰畫舫踵其舊也高樓  
三楹額曰秋聲因其賦也爽塏宏敞爲一時巨觀後  
知縣武圖功張新詔張忻李岩各有增修後漸圯

國朝順治九年知縣王鼎重修月課多士於此時院南秋

水汪洋一望無際課士之餘泛舟於上與紳士徜徉吟和名其水曰文湖於是舊跡復爲名勝矣乾隆二十六年知縣呂文光以歲久漸就荒廢又修葺之嘉慶十八年爲教匪所燬十九年知縣陳筠重建道光二年至七年知縣胡天培定規條捐廉俸以勤月課而經費無出時慮久而難繼三十年知縣徐士琦倡捐銀八百又勸城鄉紳商共捐錢八千緡發當生息以爲書院經費

咸豐元年四月滑縣知縣徐士琦率同紳民捐添歐

陽書院經費錢文發當生息並擬定條規詳請立案  
以垂永久事竊照設立書院所以儲養人材振興文  
教輔 盛世菁莪之化鼓儒林奮發之心必當經費  
裕充方冀人文蔚起是以 卑職 前在襄城任內因該  
處書院經費不敷曾倡率紳民捐添錢五千串發當  
生息酌定條規詳蒙立案迄今歲有常經嗣蒙量移  
滑邑民情強悍尤須以教養士子爲先庶幾斯民有  
所觀感蓋經正民興邪慝自遠欲使風移俗易不可  
不急於此講求也查 卑 縣書院爲宋儒歐陽文忠公

讀書處因以公姓命名樓曰秋聲齋曰畫舫前賢遺  
跡儼然洵爲讀書善地其中房屋器具均尙完整惟  
經費僅有紳士捐輸發當生息錢七百四十七千每  
歲得息錢一百四十九千零又撥入逆產地五頃每  
歲租課除完錢漕等項外僅餘錢五十九千零二共  
錢二百千零向來致送山長每歲修脯錢一百二十  
千菽水錢六十千節禮錢十二千又致送儒學課試  
薪水銀六十兩核計所入已不敷用其生童膏火等  
項全無所出雖經卑職按時捐廉發給然捐數較多

難乎爲繼不如添設經費可垂永久

卑職

因獨力難

成當與紳士舉人韓連中荆玉成副榜劉煦東貢生

薛德聞祁世德廩生袁臨閣生員呂南呂魏道筠焦

日光趙良弼馮奏捷監生楊知方毛自得朱桂林段

志鴻武生胡清吉丁承高公同籌畫據該紳士等均

願捐助並云地方善舉富戶亦所樂從懇請勸捐集

腋

卑職

遂倡捐錢八百串飭令署典史黃景賢督同

該紳士等普爲勸導並嚴諭不許稍有勉強致滋勒

派去後旋據該紳富等聞風好義踴躍輸將陸續呈

捐錢七千二百串連

卑職

所捐共八千串整卽於十

一月二十二日傳集當商張萬羸等十五家眼同紳士將錢交發分領營運按月一分行息公議此項新捐息錢專作生童膏火飯食卷價及禮房紙筆書院把門等役工食之用其山長脩脯薪水節禮並學官課試薪水均仍舊在地租並從前發當商生息項下支銷不敷官爲捐足毋庸另議更張謹就現添息錢擬定膏火等項數目及課試章程二十條俾有遵循至當商領狀令其出具一樣五紙一紙附卷一紙交

書院首事收存三紙分呈

憲臺暨 本道 本府存案 藩憲並 憲臺存案載

明非五紙領狀具到不許提本以杜虧挪似此捐添  
之后經費寬綽庶足培養寒士鼓勵成材而於教化  
人心亦不無裨益該捐戶紳民等樂善慨捐共成義  
舉殊堪嘉尙應請由 卑職 分別酌予匾額花紅以示

獎勵所有捐添書院經費定立章程緣由理合將捐  
戶姓名錢數並擬定條規分造清冊連當商領狀一

併具文詳請 憲臺查核批示立案除經詳 撫 憲

學

藩憲外爲此備由具申伏乞照詳施行須至申者計

申送捐戶錢數冊一本條規冊一本當商領狀一紙

詳撫學院 藩司 本道 本府申

計開章程清冊呈送

一 每年延請山長由地方紳士公舉學品兼優人地相宜者官從其便備關聘請

一 每年定於十二月初十日考取膏火生童各取正課十五名備補五名發榜後將卷訂爲一束留至開課查對筆跡有不符者汰除另補

一內正課生員十五名每名月給膏火錢一千五百文  
童生十五名每名月給膏火錢一千二百文定於每  
月二十八日發給

一取定正課后生童保舉品行端方者各一人充當齋  
長照料散發膏火筆資飯食卷價一切錢文每月各  
給優膏火一分各如膏火之數

一每月初二日縣課十二日齋課二十二日學課所有  
取定正課如臨點不到生員每課扣除膏火錢五百  
文童生每課扣除膏火錢四百文按名次發給書院

備補三課不到開除另補其實在有病及有要事者  
准學長代爲請假仍不得連請三課違者照例開除  
一初二日課期如遇公出禮房稟請儒學代課

一官課考列前八名者生員每名照額定膏火減半發  
給筆資錢七百五十文童生每名發給錢六百文其  
獎賞官爲捐廉酌給不在此數

一課期限定辰刻點名申刻繳卷不准給燭違者正課  
開除膏火附課文雖佳不取

一童前八名將課卷訂爲一束傳各生童閱看一以

藉觀摩一以妨抄襲如查有謄寫成文及倩人代作者正課汰除膏火附課追出獎賞挨次發給第二人  
一生童附課有五課考三超三課考兩超一特四課考  
一超三特者俱准作爲備補與原取備補相間輪補  
膏火

一生童正課有考四次後五名三次後三名兩次後二  
名者俱汰膏火

一生童有取定正課不在院住宿者作爲外正課膏火

減半發給  
在院備補

一正月十二月兩月息錢除添發卷價飯食等項外其餘作爲鄉試卷金

一每遇考試及鄉試停課日期膏火照常發給筆資等項作鄉試卷金

一每課給禮房紙筆飯食並茶夫煤火等項錢五百文隨課期發

一課卷每本發錢十二文隨課期發

一官課日期生童每名發給飯食錢六十文散卷時發  
一儒學課期發給車夫門斗錢三百文隨課期發

一書院設把門役一名月給工食錢一千二百文專司稽查出入不准片刻相離一切閑人不許擅入肄業生童不許擅出如有要事自外入者須問明來歷方許引進自內出者須於山長前告假領籤把門役驗籤方許放行違者生童計過一次三次汰除膏火把

### 門役革退

一書院設聽事役一名耑伺應山長齋長首事使喚月給工食錢一千二百文與把門役工食均於每月二十八日發

以上需用膏火等項均在此次發當生息錢文項  
下支用倘有不敷由官捐足其山長每年脩脯錢  
一百二十千薪水錢六十千節禮錢十二千儒學  
月課薪水銀六十兩俱仍循照舊章由逆產地租  
及從前紳士所捐生息錢文項內開銷不敷之數  
田官捐送如地租拖欠亦先由官墊發俟徵收還  
欸概不准借支新捐息錢仍令齋長暨禮房每月  
將動用錢文逐一登簿存房於次年春月據實造  
冊報銷理合登明

歐陽書院現存書籍

朱子條辨

五十套  
四十本

玩註詳說

四十本

十三經註疏

十六套  
一百二十本

資治通鑑綱目

十二套  
一百廿本

皇朝經世文編

十二套  
九十六本

唐宋八大家

六套

昭明文選

二套

孫夏峯集

十五套  
五十本

國朝元墨正宗

六套  
三十六本

呂夾鐘姚公孔炳歐陽書院碑記古今來世運有升降物理有盛衰而吾道則無終窮也昔蘇子瞻有云吾道自孔子而後接其統者百餘年而有子輿又五百餘年而有昌黎又三百餘年而有歐陽子文忠公者公著禮樂仁義之實有合於大道天下翕然師尊之義典禮和兩宮論朋姦帝曾獎曰何處得來作五代史正統論諸篇章七百六十有六而文體爲之一變是公之事業文章如日月麗天江河行地可與配道而並傳吾滑先輩名臣賢相及時髦蔚起者多觀

型於公之書院中是院也胡因而興也按公於慶歷間出而判吾滑卽於署側作畫舫齋其制象舟書曰若涉大川用汝作舟楫不忘君也又嘗讀書秋夜爽氣清而商籟發物侯老而感懷生因作秋聲賦悲秋意也斯不過與時推遷初何嘗凝滯於物計及可久也耶迨萬歷癸卯邑令項城信卿王公夙慕公爲宋代大儒流風遺韻俱堪千古爲之創大廳三間額曰畫舫齋因其舊也起高樓百尺額曰秋聲樓因其賦也文湖蕩漾於其前泮水淵源於其後奎峯聳峙於

其左浮屠屹立於其右誠一邑勝槩洋洋大觀也歷  
來賢尹多會文於此爲作育人材之所不意滄桑更  
變久而成墟幸值吳門元升姚老父母領牧此邦學  
本愛人禮讓成風尤聿興文教於修學之餘戊辰春  
仲集乃僚友爰及紳士各輸微助佐以清俸庀材鳩  
工三越月而落成復擴以覽勝樓三舍丹楹刻桷宏  
厥壯嚴君子得以攸躋矣校子衿而扶吾道庶斯文  
其將在茲乎由是地因人靈人因地傳俾後之人履  
其地莫不仰止修茲者之高風而重有感於斯舉

雍正

年立石

詹事府詹事陳浩撰呂公文光重建歐陽書院碑記  
山陽斗垣呂君治滑之明年政和民洽百廢具修前  
明項城王君卽歐陽文忠公畫舫齋之遺址建置秋  
聲書院 國初厯城王君從而增修之迄今又百年  
矣風雨摧殘僅餘瓦礫君懼其跡之遂湮也於重修  
文廟後再出官俸創修令邑中人士共成之棟宇旣  
新花竹周列易名曰畫舫書院以祀公月給膏火之  
費令諸生朝夕絃誦其中因屬余書畫舫齋記秋聲

賦而勒之石並欲記其事以垂久遠余惟公之判滑  
州也旣嘗構是齋以爲燕君之所而秋聲賦未詳作  
於何地今聞畫舫之外復有所謂秋聲樓者意當時  
秋夜讀書之處卽在是耶余平生慕公之爲人每讀  
醉翁亭峴山亭諸記遐想山川之勝如從公遊往往  
形諸夢寐曩者僦使金陵歸欲取道於滁尋醉翁亭  
而未果及奉命視學楚北登峴山而亭已久廢爲浮  
圖欲求歐公舊碑而杳不可得因嘆自古名賢勝跡  
零落於荒烟蔓草之間宜莫不爲後人所珍惜而使

之磨滅至此豈古跡之興廢亦有幸有不幸與抑顯晦有時待其人而後廢者不終與廢也然則呂君之於畫舫齋亦猶昔者光祿史君之於峴山亭矣君以名進士於乾隆二十四年出宰中州能於簿書之暇慕古好賢以振興文教爲己任俾多士登廬陵之堂讀廬陵之文咸知從事於古文之學以仰佐

聖天子右文盛治非賢司牧而能若是乎蓋君本廬陵之心以愛滑之人士滑之人士卽以愛廬陵者愛君則廬陵之跡以君傳君又將以廬陵傳也余蓋不勝欣

慕每思他日北歸假道相訪登畫舫之新齋賦詩以快其意而又未知斯遊之遂焉否也先書此以貽之

乾隆二十六年立石

襄城拔貢耿蔚宗撰胡公天培振興文教

碑記滑邑書院之設由來久矣宋歐陽文忠公以一

代名儒來判吾滑闡正學牖後進慨然景從互相砥

礪文風稱盛焉雖畫舫齋舊跡已不可考而所賦秋

聲當夜靜更闌風月清朗時猶可彷彿遇之明萬厯

間邑侯信卿王公衍文忠公教澤爲諸生謀肄業所

於城東南隅相其地勢創大廳三楹額曰畫舫齋沿

舊迹也高樓三楹額曰秋聲樓而書院則名以歐陽  
厥後增修者惟呂公而滄桑更變興廢無常嘉慶癸  
酉秋莠民弄兵潢池禮樂之地竟成干戈之場而所  
謂歐陽書院者遂蕩然無存逆匪甫平山東陳公來  
作司牧欲重爲修葺以與王呂二公相輝映惜有志  
焉未逮也天滑當兵燹後士荒詩書農廢耒耜非飽  
經術優幹局者未易保息而教誨之大憲因簡調我  
雲樓賢侯胡老夫子諱天培父母斯地焉公滇人天才  
亮特讀書目數行下而攻苦倍於恆流彝歲午寅臨

安江外逆夷謀不軌伯玉亭制軍督兵征剿知公精  
韜略有幹濟才檄公襄事軍中運籌悉協機宜旋以  
生擒首逆凱歌入告首列薦牘除河南襄城令多惠  
政襄人於公治滑後思慕舊澤建祠而尸祝於希賢  
書院則所以造福於襄人者已可概見公蒞滑也恤  
民隱紓民困興利除弊摘伏發奸俾民得盡力畝畝  
而振興文教尤爲滑人所感服每月親臨書院嚴課  
諸生詩文外談論經史能發前人所未發而於綱常  
倫紀之大尤諄諄相勸勵自是人知向學士之砥礪

成就者計不乏人歐陽公後善廣教澤者舍我公其誰屬與至於體恤寒峻慨捐清俸爲諸生筆墨資不下千餘金而公則曰特藉爲廣教勸俗之一端耳生等被冒深厚英報涓埃爰伐貞石用識不設特書公之所以振興育者以示不忘安得繼公而往者踵前修於勿替俾滑士子日坐春風化雨中蒸蒸然日上豈不懿與是爲記

道光七年立石

原武舉人姬漢撰徐公士琦德政碑記善政之入人非徒恃有煦嫗之愛已也威克而人知畏宜施之以

寬愛克而人易翫宜糾之以猛寬以濟猛猛以濟寬  
鄭子產爲政深得乎因時制宜之道漢諸葛武侯師  
此意以治蜀蜀人慕之無異鄭人之慕子產然則此  
邦之人所以敬愛公者豈異於古所云哉庚戌冬余  
奉聘明年掌教歐陽書院久聞德政亦於此樂見風  
采迺未及期公以焦勞瘵遽爾長逝是與公無一面  
緣也余於正月二十八日來滑見黃髮垂髻無不咨  
嗟流涕以爲仁天不可復覩諸同人回想教澤更述  
之不忍卒述思之深而慕切也咸欲將厚澤深仁刻

之貞珉用志不忘而屬余爲序余雖知公實未若都人士之知公爲真且悉謹卽所聞於都人士者質言之公性質直絕不粉飾吏治初宰襄城政尙嚴明及來是邑以治襄者治之邑舊多積案公至晝夜訊結不日皆爲清釐每斷一獄立卽剖決兩造共服神明公視民如子其於良懦加意撫綏稍涉匪僻者胥置之法未嘗稍貸蒞任二載囹圄空虛訟獄平息吏不容奸民不閉戶風化肅然也尤念士爲眾民之首教爲庶政所先遂經理書院以敦崇士習捐廉俸爲每

歲經費之計都人士亦奮於義而激於公也不數月得錢若干數迺權子母備膏膳派令紳士分任之期垂久遠且嚴章程令肄業諸生一體遵守余幸與諸君子遊得聞道教矣遊之乎仁義之途澤之乎詩書之腴示之以義利疑似之辨警之以理欲消長之機教化行而士風茂行將與古爲徒而惜也公未見其成也公之厚澤深仁浹於人心固不藉斯石爲重而都人士思息勿衰咸曰我侯棄我而逝矣奈之何哉願得數語著其梗概用志士民不忘我侯生成教養

之意也爰退而爲之記公諱士琦雲南澂江府潞南

州人甲辰科進士

咸豐元年  
平立石

道光二十四年知縣秦敦原修覆社學於學宮西北  
隅改名景山義學捐錢三百千買學田地三十畝一  
段十畝坐落在太和村北一段二十畝坐落在野店  
村南吳村里一甲分註景山義學糧丁每年塾師完  
銀收糧監生毛自得楊知方增生張三多生員朱超

然督理

同治元年權知滑縣事番禺姚詩雅

爲詳請立案事竊維治民之要教化爲先教化之道  
學校爲本今義學之設卽古者二十五家同設一塾  
朝夕受教於塾之遺意蓋教術之端自閭巷始人材  
之成自童蒙始滑邑城鄉舊有義學十五處每年延  
師教讀凡紳民子弟皆得入學讀書法良意美惟於  
課讀訓迪未立規條以致日久玩生近則有名無實  
不特虛糜月廩並且有誤人材卑職到任之際適議  
延師開館之時隨延訪品端學粹之士請至署內面

爲闕訂擇吉開館並酌議章程十三條本古人之成  
法作誘掖之準繩俾爲師者知所以教弟子知所以  
學卑職時與儒學教官分投查察自開館至今時僅  
四月而各學生徒日見進益古人云讀書貴得竅洵  
不誣也苟能實力行之歷久不渝將見日新月異漸  
義摩仁小成可進大成通經足以致用仍當會同儒  
學隨時考核分別勸懲以收實效奉

撫憲鄭 批查設立義塾爲作育人材之本現當人心

不古亟宜實力舉行藉以維持教化滑邑舊有義塾

十五處因日久荒廢以致有名無實該縣到任後卽行酌議章程訪延多士認真課讀足徵教養爲懷實心行政深堪嘉尙披閱所議條規均屬妥協仰卽查照永遠遵行可也清摺存

學憲景 批據詳整飭義學作養人材具見公事認真可嘉之至仰卽實力奉行用垂久遠繳

所立規條俱臻妥協並仰勒石立案永遠遵行

署藩憲王 批查閱酌議義學條規尙屬妥協應如詳立案仰衛輝府轉飭知照仍候

撫學憲批示繳摺存

署臬憲王 批據詳已悉仰衛輝府飭候

撫學憲暨 藩司批示繳摺存

本道憲周 批據呈義學條規明白簡要洵爲師生教  
讀授受之良法仰卽隨時認真經理以收實效並准  
如詳立案仍候

撫學憲 藩司批示繳摺存

本府憲秦 批如詳立案仰候

各憲批示繳

滑邑地關民殷庶得北方剛勁之氣質而近於魯前  
宰斯邑者於城鄉多設義學蓋善舉也第學規闕如  
司教者往往視爲具文縣官又以簿書鞅掌不暇顧  
比年東南多故烽火達郊關國人相率習戎事師弛  
教第弛學幾如告朔之餼羊名雖存而實之亡則久  
矣歲辛酉予承乏茲邑內清訟牘完守備庶務倘舉  
乃進邑父老而語之曰子輿氏有言飽食煖衣逸居  
而無教則近於禽獸凡人所爲棄常敗俗干名義罹  
刑辟至死不悔非其性惡也其來有漸一由於闕不

知其弇也而蹈之一成於習與惡人居久而與之俱  
化始猶忌而憚於爲繼且無忌而不憚於爲故其小  
者僨身大者僨宗而溯流窮源皆基於父兄之失教  
彼穿穴踰牆禦人於國門之外者皆是也今

天子冲齡御極

朝右清明崇尚儒術攷諸天時則貞下起元否極而泰  
驗諸人事則撻伐用張文明肇啟爾民不於此時父  
勉厥子兄勉厥弟以飭倫紀講禮讓消氛禳輿太平  
甚非謂也予惟古者教人之法備於曲禮少儀內則

諸篇子生十年就外傳服食語言跬步之間莫不有  
規矩準繩事近於瑣而所關者鉅傳曰凡有血氣皆  
有爭心禮教者弭爭之具也使其童而習之長若性  
成愛敬盡於父昆齒讓行於鄉黨達而在上爲賢臣  
爲良令宰其下者亦不失爲謹愿之士足以保身家  
守先業學校之益人如此况爾滑近接河洛靈淑之  
氣鍾於後起者不知凡幾夫飲食教誨父師之責也  
張弛興廢司牧之任也予旣爲擇塾師酌擬學規若  
干條頒示各塾以補前人所未備 景劍泉學使見

而躋之命刊置學舍爲教學矜式爰付剞劂而述所  
語於滑人者爲之序

設立義學處所

文昌閣 東門大街 南門大街 西門大街

北門內 牛市屯集 馬蘭集 沙店集

白道口集 善堂集 老安集 唐莊集

徐營集 留固集 八里營集

爲設立義學規條以昭法守事照得有真教術斯有  
真人材教術之端自閭巷始人材之成自兒童始易  
山下出泉其象爲蒙君子之所以果行育德者於是  
乎在故蒙以養正是爲聖功豈可忽視蒙學而不講

哉本縣家傳清白世業書香忝領是邦情殷教化凡  
有益於士民者咸思次第舉行之查城鄉設立義學  
向未立定規條以致日久玩生幾至有名無實殊不  
足以培士氣而養童蒙茲特不揣謏陋擬定規條十  
三則俾爲師者知所以教弟子知所以學庶幾有造  
可培有德之基小成早預大成之器則不獨守土之  
幸也謹列規條於左

一義學之設所以正蒙養查本邑向有義學十五處分  
設城鄉每月共需脩脯錢三十一串二月起至十一

月止每年共計需脩脯錢三百一十串僅撥逆產地  
四頃每年征租銀五十一兩八錢九分五釐不敷支  
發向由官捐廉墊給由來已久自應照章辦理以恤  
寒畯

一延請館師由本縣訪擇品端學粹之士其文亦須文  
理清通字跡端楷者潔治杯茗延請到署面爲關訂  
每年開館以二月初一日散館以十二月初一日爲  
定期

一館師有不守學規訓教不嚴者一經本縣查出卽行

更換另請以免誤人子弟

一每歲開學之先須將生徒姓名年歲籍貫并所讀何書由館師開列清冊送縣備查如有續添隨時開報

一學中有成材之士務在敦勉實學誦習書史館師須將存心立品居家治事之道隨時指點至於童蒙則課讀而外必訓以拜跪坐立之儀入孝出弟之禮每逢朔望館師率領各生徒序齒排立拜謁

至聖次拜館師各生徒亦互相拱揖禮畢館師能將

聖諭廣訓明白講解令各學徒環立聽講更爲有益身心

至小學朱子格言及童蒙須知呂新吾先生小兒語  
好人歌等書均應隨意講讀於人心風俗大有裨益  
一讀書須眼到口到心到高聲朗誦句讀分明不得含  
混不清及結夥喊叫聲類市井

一初學以識字爲先每日判倣於讀過書中摘考數字  
其不用心記認者卽加薄懲庶免隨口念誦不能識  
字之弊且館師於口授生書之時尤須先審四聲切  
不可平仄錯亂如有疑字急取字彙字典考辨明晰  
幸勿以訛傳訛

一學生有應講書者按日講書俱令復講有不明曉處再行講過一而再再而三館師不宜厭煩亦誨人不倦之一端也

一每日課程清晨背先一日生書並帶書若干首背畢上生書朗誦百遍放飯飯後寫倣考校認字隨意講解字義或出一對對畢溫舊書或一本或半本逐日周流背完仍念清晨所上生書每讀完生書一本卽將通本溫背一次再上次本新書

一學生日用紙筆饜餅等物俱於上學時帶來不准臨

時出學買取出恭領籤不准二人同往大解每日一次小解每日三四次除散學放飯外有擅出學堂並出恭逾時不返者卽查察訓責

一學生功課不完疲玩滋事輕則責手重則責臀不宜向頭面虛怯處責打如有生徒父兄攙越護短赴學爭論及同學欺凌幼稚招惹是非者卽行扶出不准附學若資質魯鈍者館師當耐煩善誘切勿任意屏棄

一放學時不准三五成羣嬉遊市肆館師隨時稽核如

學生有事不得自行告假並不准婦女到學呼喚須  
伊父兄親向館師說明方准給假除年節應試及實  
有正事外館師不得無故放學

一本縣與兩學隨時赴各學稽查以觀師生之勤惰並  
試其讀書之生熟考其聽講之明昧庶收實效而免  
曠功

以上十三條皆平近易從自可永遠遵守果能實  
力奉行毋荒毋怠將見士習日端文教日盛本  
縣有厚望焉

滑縣志卷四

祠祀 附寺觀

祀神以爲民也禮曰法施於民則祀之能捍大患禦  
大災則祀之非此族也不在祀典故凡有土地人民  
之責者崇德報功合幽明而展虔敬必以成民爲享  
神之實故至治之世陰陽和風雨時百穀用成民氣  
旣和神福斯降感通之理有固然耳至於琳宮道觀  
及他淫祀力不能悉爲釐正姑存其名以俟後有大  
力之君子

社稷壇在西門外鰲隄上

先農壇在東門外

風雲雷雨山川壇在南門外

邑厲壇本在北門外橋東同治元年知縣姚詩雅以其地多水移於關北置屋三間爲每歲城隍神巡駐之所

文廟

詳學校

關帝廟一在城東南隅萬厯中學博鄭國彥重修咸豐七年知縣張仙保重修朔望行香在此一在城西南

隅道光十三年知縣胡天培以癸酉之亂

帝顯靈於此改明福寺建廟爲春秋致祭之所一在西關隄上一在酸棗離城三十里卽白馬坡斬顏良處原定封號忠義神武靈佑六字嘉慶十九年加仁勇二字道光八年加威顯二字咸豐二年加護國二字咸豐三年加保民二字奉

旨升入中祀增設祭品佾舞樂章咸豐六年加精誠二字咸豐七年加綏靖二字奉

旨闕聖大帝神牌改寫關聖帝君清書關字帝君字均遷

音聖字緡清

御書萬世人極匾額頒行天下

明胡權滑縣關帝廟記滑故漢白馬地曹袁兩氏闕  
多軍白馬境上以故白馬數受兵建安五年紹將顏  
良督十萬眾趨白馬太守延以急告操遣將跨河而  
逆時部下徐晃許褚夏侯惇素稱萬人敵皆爲良窘  
帝適在曹軍免胄策馬梟良於萬眾中若拉朽然白  
馬圍解白馬人德之廟帝而祀之也千四百年於今  
矣址故在南薰門內西向湫隘且囂隆慶庚午內江

劉侯越敬卜地於故廟之東枕坎面離釀金錢鳩工  
徵材爲殿三楹拜殿稱旁爲翼室後爲閣亦復旁爲  
翼室數十楹門二重繚垣周數十武殿中貌帝兩側  
貌侍衛六爲闕昭貺侯平龍驤將軍興廖車騎將軍  
化周將軍倉又有張虎翼將軍苞呂雲南太守凱萬  
厯己酉解人鄭君國彥以孝廉署學博梓里先達睹  
其傾圮出俸金與邑人光祿魏君師夏暨諸鄉先生  
新之役竣僉以貞石之役屬不佞權權乃言曰今宇  
縣內祀帝者自都會以至井聚幾乎窮天之覆罄地

之載矣獨滑人之慕帝尤深蒸嘗伏臘尤虔勤者以  
帝解白馬之圍也然白馬之圍皆曰操禮帝甚厚帝  
借此以報予獨不然夫帝方信大義於天下甯爲是  
斤斤小信哉通侯之拜漢天子綸音在焉何與於操  
而德之許田射獵方將甘心於操繼而困危夏口飄  
飄江渚又深以不殺操爲恨奈何言報叔嫂一室操  
之心不勝誅矣亦烏觀所云厚也而反爲操左袒乎  
獨計當年紹已跨有冀青阿弟術逆睥窺國鼎操卽  
漢賊猶假名義式獎王室萬一良得志必且屠白馬

長驅渡河南連逆術害且在肩睫間良死則宗篋猶得緩須臾士民可無恙老瞞之奸亦未有不陰折而潛奪者官渡之役膏刃良首爲漢爲生民非爲操也由此以談炎焰不卽滅塗高不卽熾實帝一段忠義所留而滑之生齒相傳至今者伊誰之賜祭法曰以勞定國則祀之以禦大災捍大患則祀之帝之功在社稷而尤大有造於滑滑人何忍一飯忘之哉此千四百年如一日也往年余修邑乘亦持是說獨侍衛之設猶有遺議昭貺龍驤帝子也周將軍廖車騎又

清史元  
卷四  
四

久從帝游其配食宜爾如張虎翼史稱桓侯子生平未嘗侍帝左右也呂太守南征有功禮宜鄉社於帝廟何說焉借令爲太守同時名流而虎翼亦兒子行侑享帝庭不爲倏然類而推之更有切於此矣如彝如統爲帝嗣孫成都失守彝以死事聞此其忠義甯愧祖武哉他如趙都督累王司馬甫兩人者荆襄勳勤勲業懋著當蒙之詭售一死軍中一死城下蓋存亡共之矣曾不得一與俎豆義何儉也豈當日主事者未深考乎釐而正之登崇以祝端有俟於君子矣

文昌廟在魚化街東康熙丙寅知縣姚德聞重修廟前有

奎樓據形家言此樓居學宮之巽地實爲文筆峯云德聞復崇之高七丈廟前建旁舍十楹築臺以防水患咸豐六年奉

旨升入中祀增設祭品侑舞樂章咸豐七年奉

旨文昌帝君神牌清書文昌字緝清帝君字還音每歲春秋仲月諏吉致祭二月初三日聖誕致祭

城隍廟在縣治東

龍神廟在縣北久圯知縣秦敦原重建於縣治東北卽

古聖功寺

龍有功於民祀之宜也然用木主可矣世俗不察因有玉號遂冕旒垂裳則非禮矣宋張橫渠辨祀龍女禮程伊川曰須先辨人畜然則冕旒垂裳其不可明矣郭景泰識

火神廟在南門內

土地祠在縣儀門外東

八蜡廟附祀劉猛將軍同治四年八月加

封號普 廟本在西關外金隄東偏邑令秦敦原改建於  
北偏隄上與西臺爲鄰

顓頊帝嚳廟在縣東北七十里唐太和四年立宋乾德  
六年修金大定七年析開歸於滑歲春秋祀改元遣  
官祭告康熙甲子知縣姚德聞重修

三國魏曹植顓頊贊昌意之子祖有軒轅始誅九黎  
水德統天以國爲號風化神宣威暢八極靡不祇虔  
帝嚳贊祖自軒轅元器之裔生言其名木德治世撫甯  
天地神聖靈察教訖四海明並日月

明孫承恩頡頏贊智疎以達德深而靜肅清神人民  
志以正稽天創歷定時考元夏令式遵後聖善焉

帝譽贊惟帝聰明知遠察微執中御世仁威並施其德  
巍巍其色郁郁式修厥身九有成服

堯祠在縣西南五十里漢劉盆子創建唐寶曆中節度  
使李聽祈雨有應

唐鄭滑節度使白敏中堯祠記白馬津西南五十里  
曰堯祠袞龍騰文劍佩有光德音不遐精魄如在然  
而祠廟僻遠藻薦亦稀荒榛不除茂草斯鞠司空隴

西公卽戎之二歲勤恤人隱期於俗阜夏四月宿麥  
方登油雲未施公愀然殷憂思降甘澤因曰古先皇  
王孰神於堯盍將禱焉期有所應乃率僚屬將校質  
明而往鐘磬畢陳牲牢在筵翊精肅容虔禱移時祝  
拜之際昭饗如答未及迴車重陰已周密雨輕洒稿  
苗特起逮夕及晨自葉流根僚屬將校相率稱賀曰  
天災消民仍歲不登道殣流離十年於茲公能以誠  
明動神祇膏澤發枯朽免積逋於餓殍變旱歉爲豐  
稔固當大崇廟貌以旌厥美於是飾粉壁張羅幃樂

檀四周丹雘交輝肅肅靜密神之所依是宜播公之美揚神之祉刻於金石而爲之記

冉子祠在城東七十里有冉伯牛六十四代裔孫居此滑伯祠在縣治內西北有滑伯墓

河侯祠在縣南一里祀漢太守王尊詳名宦

唐裴處權河侯祠記明皇帝懷柔百神以功躋四瀆蒲股肱郡實祠宗繇是剗舊圖新廟貌甚設國有祀典蒲侯職之然天下郡縣瀕於我者多曲架榱桷廟神乞靈滑臨洪波神有甯宇且曰瀆侯古神也故神

以侯稱六年夏不雨尙書博陵崔公懼茲農事凡明  
神靈跡有可以膏稼穡者必命犧牲簫鼓以動之卒  
無應一旦監軍使閻君曰郡瀕河侯廟貌俱存姑用

早禱宜幹流以蘇大田五月庚午公會閻公幄河濡  
列旌旂率府從事合牙門諸將郡縣吏羅爲侯拜聲  
以具樂醴以清觴腥爛燔炙苾芬交錯版書精意以  
聳侯聽六月辛未雨乙亥始霽自乙亥至於秋七月  
壬子以烈日下燭南畝復燥公曰時雨難再將奈秋  
成何閻公曰河侯利吾州前應如答吾且祈且報庶

終侯功癸丑公復會閭公儀若庚午丙辰雨乙未乃  
霽噫公禱之虔神應之速禱不虔無以邀侯貺應不  
速無以協農時旣貺旣應多稼布野寒耕熱耘之子  
其有京坻之望乎昔王尊捨熊軾臥金隄卻驚波也  
公仗戎鉞禱於河濱勤甘雨也驚波縮所以完居邑  
也甘雨霖所以遂嘉穀也則知前賢後賢之推誠濟  
物昭若符契矧乎食民天也宜拜侯賜閭公揖曰齊  
誠以動神者尙書公之德也公揖曰始謀而獲應者  
將軍氏之力也於是相與拜字下或曰昔歲河流濫

汎將魚滑人滑人祝侯駭浪帖息今者拜侯賜未若  
記侯之感通公乃詔從事河東裴處權文其功客有  
博陵崔應書於石會昌六年九月一日記

東嶽廟一在東門內一在什善堂村泰山行宮在東關  
泰山在祀典以布斂雲雨施德博大故壇壝祀之非  
人鬼也自唐封天齊王宋加齊天仁聖帝之號於是  
起宮殿垂衣裳甚者惑於地嶽之邪說祠宇且遍天  
下夫季氏之旅宣聖譏之士庶媚禱何其謬歟邱文  
莊請自京師齊魯外有泰山祠者皆毀之其識豈不

偉哉郭景泰識

元帝廟在北門襄城內

三官廟在魚化街南

道家謂天地水三官爲民賜福解厄其神本生人不  
同產宋司天監王守信上言天官地官水官主錄人  
善惡上中下三元日不可斷極刑夫三官之說本昉  
於張魯之祖陵世俗不知祭祀大義而惑於左道誑  
誘之言處處奔走虔奉可歎也郭景泰識

豢龍廟在廢韋城內

宋司馬光豢龍廟祈雨文昔者聖王設宮分職畜擾  
神物以爲人用後世長業神實繼之知龍嗜慾服事

夏后王嘉神勞胙以此土歲祀超忽廟貌仍存闕縣  
奔走春秋薦獻卻災祈福保佑斯人今大夏將盡而

心時不雨穀苗槁死不可復殖倉廩無儲民將何恃

民實神主神實民依百姓不粒誰供神役邑長有罪  
神當罰之百姓無辜神當愛之天有甘澤龍實司之  
以時宜施神實使之槁者以榮死者以生旱氣消除  
化爲豐登自邇及遠彘盛牲酒以承事神永永無斃

伏惟尙饗

孚濟王廟王卽韓擒虎一名威顯王在縣東北七十里  
小韓村其廟附塚

元黃沔孚濟王記距澶西南三十里有村曰小韓孚  
濟王之祠在焉廟貌森嚴實隋上柱國韓公血食地  
也威靈昭著儼然如在一切祈禱應如影響良辰令  
節車馬駢闐瞻拜於祠下者不可勝數夫以柱國膽  
略容貌才用威名執陳主懼突厥忠勇之節剛大之  
氣焜燿史冊信而有徵則其精神所在英靈所歸幽

爲明神宜矣鄰居之母見而來迎疾篤之人走而欲  
謁孰曰不然况靈跡顯應大庇斯民載諸典策崇爲  
明祀誌其復興之歲月云

孫承恩韓新義公擒虎贊韓公虎臣猛氣橫鷲徂征  
江南疾捲徑渡執彼國君若縛狐兔爲時干城恢我  
上祚

顯靈王廟在縣東北二十里程固村乃唐李靖未知何  
據

靈津廟在靈平埭上宋熙甯時建

宋孫洙靈津廟記熙甯十年秋大霖雨河洛皆溢濁  
流洶湧初壞孟津浮梁又北注汲縣南汎胙城水行  
地上高出民屋東郡左右地最迫隘土尤疎惡七月  
乙丑遂大決於曹村下埽明年立號元豐天子遣官  
先以牲玉祭於河而以閏正月丙戌首事詔切責塞  
河吏於是人益竭作吏益畢力俯回淵重埽九繹而  
夾下之四月丙寅河槽合水勢頗卻而埽下伏流尙  
駛隄若浮寓坡上萬眾環視莫知所爲先是轉運使  
者創立新意制爲橫埽之法以遏絕南流至是始用

之天子猶以爲憂屢出細札宣示方略加精致誠其  
爲民禱祥應感發若有靈契五月甲戌朔新隄忽自  
定河旋北流奏至羣臣入賀告祭郊廟勞饗官師遂  
大慶賜詔名埽曰靈平立廟曰靈津推功於神也方  
天子憂埽新河未固水道內訌上下惴恐俄有赤蛇  
遊於埽上吏置蛇於盤祀而放之蛇亡而河塞天子  
聞而異之命褒神以顯號領於祀官而曲加焉有詔  
臣洙作爲廟碑以明著神貺臣洙竊迹秦漢而下河  
決常於曹衛之域列聖以來凡澶滑爲尤數雖時異

濟東元  
卷四  
三

患殊而成功則一必曠歲歷年窮力殫費而後僅克  
有濟固未有洪流橫潰經瀆移徙不踰二時一舉而  
能塞者也嗚呼河之爲利害大矣功成事立夫豈易  
然哉主使誠能稱明詔規永圖不苟物裁省繇費以  
自爲功使官無弛職卒無乏事繕治廢隄常若水至  
庶幾河定民安無決溢之敗矣臣洙旣奉詔爲新廟  
金石刻因得仰述明天子所以禦災捍患計深慮遠  
獨得於聖心而成是殊功偉績遂及治河曲折縣官  
調度與夫大小獻力內外協心概見其略使後世有

存焉

泥馬廟在城南二十里世傳宋高宗爲康王質於金逃歸倦息崔府君廟夢神告以賊追急王倉皇出門見有馬遂馳渡河馬忽不動視之乃廟中泥馬土人建廟祀之

金龍四大王廟在南關咸豐二年十月初六日勅賜金龍四大王封號普運二字

馬神廟廢太僕寺改

呂仙堂在萬壽宮後今廢

五祀廟歷城王公創建在宅門外

歐陽修祠在縣東遺址毀

明福寺隋仁壽年間杜明福建

唐白敏中滑州明福寺新修浮圖記唐乙巳歲帝命  
司空隴西公作藩於滑公既至問甲士以安問文吏  
以理問黎人之疾苦翊月之後既安且理而無疾苦  
明年夏五月暇日公與監軍軍倅賓介遊於佛寺寺  
號明福因詢明福之義有僧定俊曰冥報記云隋開  
皇中滑人杜明福妻齊氏嘗讀法華經歿後爲崔氏

男子名彥武至仁壽四年崔年三十爲滑守一日了然通前生事顧謂從者曰吾昔爲此郡人婦今知家處因乘馬抵城闌入修巷指門而呼杜氏明福老矣疾出拜迎崔入門先升堂指東壁圻墁之隆處謂明福曰吾昔所持佛經金釵藏於此七卷末紙火爇字滅每念至此常不終卷於是壞坦果得經并釵其末爇處咸如說復指庭前樹曰吾嘗斷髮置諸穴中取之得明福待不勝情云皆亡室之所遺記也比計物故之日及生之年略無差焉噫靈驗應兆旣如彼存

歿契會又如此感嘆久之遂請施宅爲寺崔卽日爲  
之上言請置寺因號明福由是起殿中虛屋周廊四  
迴前三其門庭二其臺架危樓以聲鐘植修莖以飛  
旛界宇峻嚴宛如鷲山於此三百有餘年矣公異其  
事惜無銘記遂勒石以載旣而出家財修浮圖賈彼  
餘力因其隙時人樂就役而物無枉耗越七月浮圖  
成竣層孤危高無有倫墜地貫天泉縮日低鐵輪周  
迴風鐸四鳴軍城用爲壯觀公命敏中援筆以記敏  
中蹶然而起曰釋氏之教其來久矣漢魏以降復煽

而熾其教以禪定慈忍報應齋戒爲事是亦誘掖人  
心輔助王化何者先王恭默無爲之道乃禪定乎忠  
恕惻憫之訓乃慈忍乎懲惡勸善之法乃報應乎防  
慾閑邪之理乃齋戒乎分其教而則殊歸於理而何  
異子不語怪力亂神惡其人之惑也今崔氏之應足  
彰福善之理焉可同怪神乎故得直而書之無愧詞  
於戲公不至寺誰表其異寺不公值誰爲之記時也  
皇帝之代寶曆二祀白露之秋八月癸未固其異而  
致其施施乎施而增其地後之人兮知我公修浮圖

之義

宋忠肅公祠在城隍廟東祀元宋崇祿在文恪公祠  
後今圯

劉公祠在苗固集祀縣令劉卿

五侯祠在馬廠口爲劉公漢儒張公佳胤胡公定孟  
公重彭公範建

趙公祠祀縣令趙時普

強公祠祀縣令強克捷

汲縣知縣劉廉樹撰忠烈強公及張公人墓志銘

月三強公與予同仕衛郡公旣殉難之明年其子逢  
泰望泰以墓志請爰就所知謹述之公諱克捷號樸  
齋月三其字世居同州府韓城縣治南三十里趙莊  
會祖諱之魁祖諱如權父諱京菴國學生昆季三公  
行二性質敦厚穎悟過人入龔宮後肆力經史講忠  
孝大義英氣輒勃勃見於面幼失恃奉繼母以孝事  
寡嫂以敬待弱弟以友愛乾隆六十年乙卯登賢書  
課徒不間寒暑大旨以明人倫爲宗嘉慶十三年戊  
辰成進士以知縣分發河南候補丁繼母憂回籍講

學於象山下紫雲觀益崇篤實之詣從遊者甚眾服  
闕仍赴豫十六年辛未十二月知滑縣事出所學以  
爲政嘗與友人言忠國莫如愛民但苦才鈍所恃者  
此心無他耳清以礪操慎以勤政澹以平氣樸以全  
天汰陋規興文教救荒卹旱剔弊蠶奸未二載滑人  
仰若父母十八年癸酉秋近畿有逆匪白蓮教林清  
潛蓄異謀滑邑同教李文成牛亮臣等隱相固結約  
九月望日起兵應之勢叵測公密訪得實九月六日  
卽率丁役往捕盡獲渠魁碎其兩踝置之囹圄定於

次日解省治罪而其黨更相嘯聚卽以是夜四鼓劫  
獄入署當是時署內外賊眾無慮數千腰双手鋌張  
白幟列火炬鼓噪聲徹於郊公慷慨奮興攘臂躍馬  
而出率快役毛天榮家丁祁陞等直前搏戰轉至南  
關身已經數十創猶揮戈斃賊多名卒以力屈死閭  
署被害惟兩子逢泰望泰回籍獲免自公以身殉國  
而李文成等終以不及期敗露不得與林清合林清  
失外援雖竊發未克逞其兇不旋踵與曹邑徐安國  
等皆就撲滅嚮非公先期首發懲其魁而擊其奸彼

篝火狐鳴之徒將爭鳴於燕趙齊豫間而禍且蔓延矣嗚呼生逢盛世摩義漸仁與斯民歌咏太平臣之幸也卽不幸而捍大患禦大災至死弗避亦臣之職也而當逆迹未萌出萬死不顧一生之計使不軌之徒烏駭獸解救生民奠社稷謂非智歟勇歟若公者可謂不負所學矣配張恭人聞變不懼視死如歸長媳徐氏志凜冰霜罵賊死不絕口此又公修齊之教及於閭閻而能以大義相淬厲也事聞奉

上諭強克捷首破逆謀功在社稷賜諡忠烈以知府例

賜卹給祭葬銀各如例入祀

京師及本籍并滑邑昭忠祠並特建專祠淑配張氏

賜恭人孝媳徐氏諡節烈恭人建坊從祀長子逢泰  
三代世襲雲騎尉襲次完時以恩騎尉世襲罔替次  
子望泰賞給舉人一體會試

賜進士以翰林院庶吉士用加韓城文武學額各廣五名  
帝眷崇隆

褒封赫奕所以獎勵臣子者備至後世聞公之風有不感  
而興起歟 公生乾隆二十六年辛巳十一月二十

六日戌時卒嘉慶十八年九月初七日春秋五十有  
三恭人爲張公慎女生乾隆二十五年十一月二十  
二日子時卒嘉慶十八年九月初七日春秋五十有  
四丈夫子二長名逢泰娶徐公雲衢女卽節烈恭人  
次名望泰聘生員杜公鳴鸞女女子子四長適段公  
福海子生員秉離次適監生劉公得遇子有恒三適  
監生王公賜業子國傑四適嚴公振璽子三升卜於  
嘉慶十九年十二月初四日辰時葬於本籍某處王  
山丙向銘曰 處爲醕儒出爲名臣一門節烈功著

奚倫龍門光煥 鳳詔續紛鑄諸礦石草木長春

嘉慶十八年十一月二十七日内閣奉

上諭逆賊林清與李文成二人互相勾結倡首作亂李文成曾兩次到京與林清面訂於本年九月十五日起事屆期李文成由豫省帶領匪徒數百人來京接應適滑縣知縣強克捷訪知李文成逆謀于九月初間將該逆拿獲到案刑夾收禁賊黨馮克善等因謀救首逆遂聚集徒黨于初七日入城劫獄並突入縣署將強克捷全家戕害彼時李文成徒眾已在本籍構亂遂不及分派

賊黨進京林清不知外援已絕仍守株坐待旋經捕獲  
立正刑誅李文成雖一時兔脫究因傷重不能步履在  
滑城潛伏迨後官兵屢勝賊黨劉國明等于未經合圍  
之先將該逆擁護出城乘坐大車沿途逃遁究因帶傷  
不能遠逸旬餘之久僅逃至距滑縣二百餘里之司寨  
官軍星馳追及立予殄戮檢驗屍身傷痕宛在林清李  
文成二首逆因未遂期會奸謀是以前後授首易于拉  
朽全師告捷追思強克捷首破逆謀厥功甚大而全家  
慘遭荼毒尤堪矜憫前曾降旨將該故員照例賜卹尙

不足以旌其死事之忠強克捷着加恩照知府例賜卹並著入祀京師昭忠祠交該撫查明伊尙有無遺嗣著於服滿後承襲世職送部引見以示酬獎忠勲恩施優渥至意欽此欽遵抄出到部查原任河南滑縣知縣強克捷因被賊匪戕害前經臣部照陣亡人員四品以下未入流以上例議給雲騎尉世職襲次完時給與恩騎尉世襲罔替應得卹賞祭葬銀兩移咨禮兵工各部照例辦理等因題准在案今欽奉

諭旨強克捷首破逆謀厥功甚大前曾降旨將該故員照

例賜卹尙不足以旌其死事之忠着加恩照知府例賜卹欽此查知府係從四品職銜應仍照前議四品以下例給與雲騎尉世職襲次完時給與恩騎尉世襲罔替兵部查例載陣亡都司卹賞銀三百五十兩等語查知府與都司品級相同應照都司陣亡例給與卹賞銀三百五十兩應令該撫照數給發造報戶部核銷禮部查定例陣亡官員除給與卹廕外仍給與祭葬銀兩四品官全葬銀二百兩又例載凡臨陣捐軀守土授命之文武諸臣赤心報國奮不顧身者行查

籍貫事蹟交翰林院立傳入祀本籍府城昭忠祠等語今被賊匪戕害之原任河南滑縣知縣強克捷奉旨着加恩照知府例賜卹着入祀京師昭忠祠等因欽此遵

旨加等照知府例給與全葬銀二百兩一次致祭銀十二兩行查籍貫事蹟交翰林院立傳入祀該本籍府城昭忠祠並入祀京師昭忠祠俟

命下之日臣部遵奉施行再此案於嘉慶十八年十二月二十七日抄出到部於十二月十九日辦理具題係

新編元  
卷四  
吏部主稿合併聲明等因於嘉慶十八年十二月十  
九日具題本月二十日奉

旨依議欽此

陵墓

嗚呼生存華屋處零落歸山邱人生至此無富貴賢  
愚同歸於盡能弗悲哉矧夫佳城鬱鬱未幾而樵蘇  
集之狐兔穴之金盃人間曾幾何時此達人所以有  
死便埋我之語要亦無可如何也然有殘碑斷碣遺  
跡湮蕪而後人過之猶生憑弔之思低徊不忍去抑  
或崇碑屹立華表巍然無有過而問焉者則其故又  
可思矣

顓頊陵

帝譽陵 二陵俱在縣東北七十里土山邱載入祀典  
詳見山川省志載入歸德誤又保定府高陽縣亦有  
顓頊陵陝西邠陽縣亦有帝譽陵

帝譽詣鍾山獲九變十化經能隱遁日月遊行星辰  
崩葬秋山夏時有人發其陵室中寂然他無所有惟

一劍在北寢上作龍鳴虎嘯聲人不敢近

九域志

盤邱在縣東二十里古塚莫考舊志相傳爲盤古塚盤  
庚塚俱非

魯邱在縣南七十里相傳爲魯元王塚未詳

虞邱舊志相傳爲羊角哀左伯桃塚

按二人聞楚王賢往歸之道經郢陽

在陝西西安

遇雪度

不能俱生乃併衣與角哀伯桃入樹死角哀至楚爲  
上大夫王備卿禮葬伯桃角哀自殺以殉墓在湖廣  
荆門

滑伯墓在縣署西偏甚著靈異上有古樹一株人不敢  
折

廢臨河縣亦有滑公墓或曰隋將王景死王事葬於此  
按滑春秋漕邑至隋始有滑州之名非滑國也杜氏

預曰滑國河南緱氏縣

今開封府偃師縣南二十里有緱氏故城

左傳秦

師襲鄭過周北門及滑鄭商人弦高將市於周遇之

周今洛陽縣偃師在洛陽東正其地又春秋公次於

滑

莊公三年

杜註鄭地在陳留襄邑縣北後漢書郡國志

襄邑有滑亭左傳鄭子駟侵晉虛滑

成公十七年

杜註晉

二邑皆非今之滑縣也

魯義姑塚在縣治南二十里黑龍窪

董元弼記義姑者何以行符乎義也其行符乎義奈

何以棄子存姪也其棄子存姪奈何按義姑塚碑記

云春秋周惠王十五年魯慶父作亂舉國若狂季友告急於齊齊使仲孫湫來省其難途遇一婦襁負二子度不獲免棄長攜幼而去湫問其故婦曰長吾子也幼吾夫兄之子也全長是顧私恩棄幼是廢公義值此離亂之際甯全公義不顧私恩夫是以義之也義之者誰魯僖公也碑記又云仲孫湫定魯而還桓公曰魯可取乎湫曰魯秉周禮未可動也因舉其婦之事以對桓公遂寢其謀時有聞於僖公者召求而得之問其姓氏婦曰桑間之女禮不可通其名於君

濟縣志 卷四 三  
僖公悅賜以金帛命爲義姑夫旣魯義姑矣胡爲塚  
於滑鄉之父老往往爲予言魯義姑塚側有魯家莊  
營村蓋緣義姑而得名也今就村落考之魯家莊營  
居塚之西偏安知非義姑當日避難徙滑而卒遂葬  
於此耶迄於今時代幾更滄桑屢易而荒烟蔓草中  
故塚猶存鄉之人爲立祠塑義姑及其子若姪象歲  
時致祭較別廟尤虔而二三耆老更懼荒墟漸平徙  
而加培焉於塚之四旁捐地若干畝以備棗盛之需  
蓋其芳躅之足以感人也久矣雖然春秋自左公穀

胡及東周傳誌諸書具載閔公元年冬齊仲孫來並  
無一語及義姑事卽魯秉周禮湫亦未嘗假義姑之  
事爲詞毋亦傳聞之誤未可盡信歟而碑記鑿鑿備  
道其由來此必實有所見非苟焉已也今夫忠孝廉  
節悉採以入國史所以昭來世訓後人也乃義姑遺  
事殘碑僅存而邑乘曾不一載則夫志潔行芳泯滅  
於塵垢中者又可勝道乎哉予悲其事之逸而不傳  
爰述巔末以補簡策之所未備俾後之人讀之而有  
感也亦庶幾於風化有小補乎

惠子塚在縣東五十里相傳爲惠王相惠施

聶子塚在縣南四十里舊志相傳政爲嚴仲子報讐葬  
此按通志聶政墓在濟源縣城南軹城里俗呼爲刺

客墓又禹州亦有墓

張平塚在縣東五十里或曰良父未詳通志禹州城南  
二十里亦有平墓

五女塚在廢臨河縣西北三十里漢太倉令淳于意無  
子有五女意卒五女葬於此高五丈明一統志臨河  
縣隋置金省入開州

緹縈墓在廢臨河縣

漢班固詩三王德彌溥惟後用肉刑大倉令有罪就  
遞長安城自恨身無子因急獨熒熒小女痛父言死  
者不可生上書詣闕下思古歌雞鳴憂心惟折裂晨  
風揚激聲聖漢孝文帝惻然感至情百男何憤憤不  
如一緹縈

漢汲黯塚舊志黯自淮陽歸葬於此按開州亦有未詳  
孰是又開封志云在陳州東北四十里

鄧煥元詩空知社稷臣乃就淮陽臥濮水日東流斯

人不可作

顏良塚在魚池村 按通志在許州城東三十里上有

廟

蒼舒塚在縣東北八里舊志衛之賢大夫也 按衛大

夫無舒名高辛氏之子有蒼舒莫考其墓之所在此  
豈曹操小子於未遷高陵時曾旅殯於此耶

晉成公綏墓在廢衛南西二十里

邵煥元詩公子自離羣戛然賦長嘯世無張茂先誰  
復識高調

隋韓擒虎墓在小韓村有閻羅王廟省志河南新安縣  
亦有墓

橫村塚舊志韓擒虎母墓

韓滔墓在城北三十里俗傳聖水井卽是

唐蔡京塚在縣南五十里

五代馮邱在縣東四十里相傳爲馮道墓未詳

宋李師中墓在縣西南五十里

元祭酒宋訥墓在宋家林

監察御史宋麟  
司業宋復祖

墓附

明工部主事何廣墓在縣西三里

沈縣志 卷四 六  
左布政蔣廷瓚墓在城南

又有一墓在城北其裔  
係城西趙莊蔣世臣

左布政孟桓墓在城東

監察御史王崇之墓在城南

僉事王肅墓在城南

通政使張璞墓在城東

通判安盤墓在城東

參議李暹墓在城北

知縣靳頤墓在城西

都御史耿隨卿墓在城南

參政耿隨朝墓在城南

贈光祿寺少卿前戶科都給事中耿隨龍墓在城南  
知縣閻年墓在城北

兵部尙書諡敏惠公祁伯裕賜墓在城南

誥封僉都御史魏象賜墓在城南

吏部員外郎胡權墓在城東

苑馬寺卿朱煥墓在城東

華陰縣知縣耿如琦墓在城南

文淵閣大學士魏照乘墓在城北

大竹縣知縣朱印哲墓在城東

工科給事中朱印顯墓在城北

政和縣知縣魏慶雲墓在城東

饒南九江道參議劉源濬墓在城南

臨江府司劉源深墓在城南

張姑墳在道口集東三里相傳張姓女以親老無子  
終身奉養不嫁歿時異香盈室殯時風雷大作遂成  
墳至今高堅如故